

Na osnovu člana 9. Zakona o gradu Tuzla („Službene novine Federacije Bosne i Hercegovine“, 80/14) i u skladu sa Odlukom o proglašenju Grada Tuzle („Službeni glasnik Općine Tuzla“, broj 01/07) Gradsko vijeće Tuzle na sjednici održanoj dana 23. 12. 2015. godine, d o n o s i:

**ODLUKU**  
**o izmjeni Statutarne odluke o organizaciji Grada Tuzle u skladu sa Zakonom o Gradu**  
**Tuzla**  
**(PRIJEDLOG)**

**Član 1.**

U članu 25. Statutarne odluke o organizaciji Grada Tuzle u skladu sa Zakonom o Gradu Tuzla (“Službenik glasnik Grada Tuzla”, broj 1/14 , 3/15 i 7/15)(u daljem tekstu: Odluka) stav 1. briše se.

**Član 2.**

Ova Odluka stupa na snagu narednog dana od dana objavljivanja u “Službenom glasniku Grada Tuzla”.

**Bosna I Hercegovina**  
**Federacija Bosne I Hercegovine**  
**Tuzlanski kanton**  
**GRAD TUZLA**  
**GRADSKO VIJEĆE**

**PREDSJEDAVAJUĆI**

Broj:01-05-6173-2015  
Tuzla, 23. 12. 2015. godine

Jozo Nišandžić, prof.

## Obrazloženje

### **Pravni osnov za donošenje ove Odluke**

Pravni osnov za donošenje ove Odluke je član 9. Zakona o gradu Tuzla („Službene novine Federacije Bosne i Hercegovine“, 80/14), kojim je propisano slijedeće /citiramo/:

**Vijećnici izabrani na općinskim izborima za Općinu Tuzla održanim 2012. godine donijet će Privremenu statutarnu odluku Grada Tuzle u roku od dva mjeseca od dana stupanja na snagu ovog zakona, koja će važiti do donošenja Statuta Grada./završen citat/.**

### **Razlozi za donošenje Odluke**

Statutarnom odlukom o organizaciji Grada Tuzle u skladu sa Zakonom o Gradu Tuzla („Službenik glasnik Grada Tuzla“, broj 1/14 i 3/15).

Odredbom člana 25. Citirane Odluke, određeno je slijedeće /citiramo/:

*„Najkasnije u roku od osam mjeseci od dana stupanja na snagu ove Odluke, Gradsko vijeće će donijeti Statut Grada.*

*Do donošenja Statuta Grada primjenjivat će se odredbe Statuta općine Tuzla („Sl. glasnik općine Tuzla“, broj 2/99, 9/00, 2/08 i 12/09), koje nisu u suprotnosti sa Zakonom o uspostavljanju Grada Tuzle („Službene novine Federacije Bosne i Hercegovine“, broj 80/14), Zakonom o principima lokalne samouprave u Federaciji Bosne i Hercegovine („Sl. novine Federacije BiH“, broj 49/06) (u daljem tekstu: Zakon o principima lokalne samouprave) i odredbama ove Odluke“.*

Nacrt Statuta Grada Tuzla je usvojen na petoj redovnoj sjednici Gradskog vijeća Grada Tuzla održanoj dana 14.1.2015. godine i upućen na javnu raspravu, koja je trajala 45 (četrdesetpet) dana.

Nakon što je na teritoriji grada Tuzla, provedena javna rasprava pristiglo je 237 prijedloga na ukupno 59 odredaba (članova) nacrtu Statuta Grada Tuzle. Primjedbe i dugestije dali su građani pojedinci, organi mjesnih zajednica, vijećnici, komisije, parlamentarni i neparlamentarni politički subjekti. Primjedbe i sugestije su date na preko 30 stranica.

Komisija za statutarna pitanja i propise intenzivno radi i sačinila je tekst Statuta grada Tuzla i Izvještaj sa provedene javne rasprave. Izvještaj sadrži 53 stranice i u istom se Komisija osvrnula na svaku pojedinačnu primjedbu i sugestiju. Komisija je u izvještaju dala odgovor koje primjedbe smatra osnovanim i prihvata ih, a koje ne prihvata uz detaljno obrazloženje razloga neprihvatanja (koji su u najvećoj mjeri pravne prirode).

Imajući u vidu, da je Statut Grada Tuzla historijski dokumenat, Komisija za statutarna pitanja i propise je smatrala, da njegov tekst u cjelosti treba da bude usaglašen među Klubovima vijećnika i vijećnicima Gradskog vijeća Grada Tuzla, pa je upućen na usaglašavanje Kolegiju Gradskog vijeća Grada Tuzla. Kvalitetna priprema će omogućiti efikasan rad na sjednici Gradskog vijeća Grada Tuzla.

Na 20-toj redovnoj sjednici Kolegija Gradskog vijeća održanoj dana 16.11.2015. godine, usvojeni su slijedeći zaključci:

1) Stručna služba Vijeća će za decembarsku sjednicu Gradskog vijeća Grada Tuzla pripremiti izmjenu Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broji: 1/14, 3/15 i 7/15), na način da se briše u članu 25. Stav 1. citirane Odluke. Sve mavedeno su razlozi za donošenje ove Odluke.

**Tuzla, decembar/prosinac 2015. godine**

**Komisija za statutarna pitanja i propise**